



PEJABAT TIMBALAN KETUA PENGARAH PENDIDIKAN MALAYSIA
OFFICE OF DEPUTY DIRECTOR-GENERAL OF EDUCATION MALAYSIA
SEKTOR OPERASI SEKOLAH
SCHOOL OPERATIONAL SECTOR
KEMENTERIAN PENDIDIKAN MALAYSIA
MINISTRY OF EDUCATION MALAYSIA
ARAS 4, BLOK E2, KOMPLEKS E
LEVEL 4, BLOCK E2, COMPLEX E
PUSAT PENTADBIRAN KERAJAAN PERSEKUTUAN
FEDERAL GOVERNMENT ADMINISTRATIVE CENTRE
62604 PUTRAJAYA
MALAYSIA

Tel : +603-8884 9302
Faks : +603-8889 6680
Website : <http://www.moe.gov.my/>

Ruj. Tuan : UPSI/PLMI/LM/639/A241
Ruj. Kami : KPM.500-8/9/1 Jld.17 (36)
Tarikh : 11 Disember 2024

Prof. Madya Dr. Ashardi bin Abas

Pengarah,
Pusat Latihan Mengajar dan Industri,
Universiti Pendidikan Sultan Idris,
Aras Bawah Blok 9,
Kampus Sultan Azlan Shah,
35900 Tanjung Malim,
PERAK DARUL RIDZUAN.

YBrs. Prof. Madya. Dr.,

PERMOHONAN MENEMPATKAN GURU PELATIH UNIVERSITI PENDIDIKAN SULTAN IDRIS DI SEKOLAH BAWAH KEMENTERIAN PENDIDIKAN MALAYSIA UNTUK MENJALANI LATIHAN MENGAJAR, INTERNSHIP KAUNSELING DAN PRAKTIKUM KAUNSELING

Dengan segala hormatnya saya merujuk perkara di atas.

2. Sukacita dimaklumkan bahawa Kementerian Pendidikan Malaysia (KPM) tiada halangan kepada pelajar Universiti Pendidikan Sultan Idris untuk menjalani latihan mengajar, internship kaunseling dan praktikum kaunseling di sekolah KPM pada 23 Februari 2025 hingga 4 Julai 2025.
3. Kelulusan ini adalah tertakluk kepada **Surat Pekeliling Ikhtisas Bil. 5/2018: Garis Panduan Perwakilan Kuasa daripada Ketua Pendaftar Institusi Pendidikan dan Guru kepada Pendaftar bagi Kelulusan Permohonan oleh Pihak Luar Menjalankan Aktiviti Melibatkan Murid, Guru dan Institusi Pendidikan Kementerian Pendidikan Malaysia.**
4. Sehubungan dengan itu, pihak YBrs. Prof. Madya. Dr. hendaklah menghubungi **Pengarah Pendidikan Negeri** yang terlibat untuk membincangkan kaedah terbaik pelaksanaan program ini. Pihak YBrs. Prof. Madya. Dr. juga perlu mengemukakan nama pelajar kepada Pendaftar Negeri (Pengarah Pendidikan Negeri) di mana pelajar akan mengikuti latihan mengajar untuk mendapatkan Permit Mengajar.

5. Pihak universiti/institut pendidikan perlu memastikan pelajar mendapatkan Permit Mengajar di jabatan pendidikan negeri (JPN) berkenaan. Kegagalan pelajar untuk mendapatkan Permit Mengajar daripada JPN sebelum menjalani latihan mengajar boleh menyebabkan pelajar tidak dapat menjalani latihan mengajar.
6. Kelulusan ini adalah tertakluk kepada:
 - 6.1 **Seksyen 103(1) dan 2(a), 2(b) dan 2(c), Larangan Mengajar, Akta Pendidikan 1996 (Akta 550);**
 - 6.2 **Seksyen 114(1)(a) Pengeluaran Permit Mengajar, Akta Pendidikan 1996 (Akta 550); dan**
 - 6.3 **Surat Pekeliling Ikhtisas Bil.7/1985: Latihan Mengajar Bagi Guru-Guru Pelatih Maktab Perguruan, Pusat/Fakulti Pendidikan Universiti.**
7. Ketua Pendaftar boleh, pada bila-bila masa dan menurut budi bicaranya, membatalkan sesuatu permit mengajar dengan memberi notis bertulis kepada pemegang permit itu.
8. Di samping itu, pihak YBrs. Prof. Madya. Dr. juga dikehendaki memastikan syarat-syarat yang berikut dipatuhi:
 - 8.1 **mendapat kebenaran daripada JPN/pengetua/guru besar sekolah-sekolah yang terlibat dan pihak JPN boleh meminda sekolah cadangan berdasarkan kesesuaian/keperluan;**
 - 8.2 pihak sekolah akan melantik guru/guru-guru pendamping dan mereka boleh pada bila-bila masa memantau guru-guru pelatih berkenaan;
 - 8.3 pihak universiti/institut pendidikan hendaklah menamakan pegawai akademik/pensyarah pembimbing yang akan bertanggungjawab kepada guru-guru pelatih berkenaan;
 - 8.4 Pengarah Pendidikan Negeri boleh menggunakan budi bicaranya untuk menentukan jadual pengajaran/tugas pelatih berkenaan setelah berbincang dengan pegawai akademik/pensyarah pembimbing mereka;
 - 8.5 guru pelatih boleh diarahkan oleh pengetua/guru besar untuk terlibat sama dengan mana-mana program dan/atau aktiviti sekolah;
 - 8.6 pihak universiti/institut pendidikan bertanggungjawab sepenuhnya terhadap kebajikan pelatih sepanjang menjalani latihan mengajar, internship kaunseling dan praktikum kaunseling;

- 8.7 semua kos yang melibatkan peralatan semasa menjalani latihan mengajar, internship kaunseling dan praktikum kaunseling hendaklah ditanggung sepenuhnya oleh pihak universiti/institut pendidikan;
 - 8.8 guru pelatih yang sedang menjalani latihan mengajar, internship kaunseling dan praktikum kaunseling adalah tertakluk kepada peraturan-peraturan sedia ada, etika profesion keguruan dan tindakan boleh diambil jika mereka melanggar mana-mana peraturan tersebut;
 - 8.9 salinan laporan di akhir latihan mengajar, internship kaunseling dan praktikum kaunseling hendaklah dikemukakan **dalam tempoh 30 hari** selepas pelaksanaan program dilaksanakan kepada Pendaftar tersebut;
 - 8.10 sekiranya laporan program diterbitkan atau disiarkan dalam mana-mana platform media, bahan tersebut perlu mendapat persetujuan terlebih dahulu daripada pihak kementerian; dan
 - 8.11 mematuhi arahan-arahan lain Ketua Pendaftar dari semasa ke semasa.
9. KPM berhak menarik balik surat kelulusan/kebenaran ini sekiranya pihak YBrS. Prof. Madya. Dr. gagal mematuhi syarat dan peraturan yang ditetapkan atau bercanggah dengan dasar KPM yang sedang berkuat kuasa.
- 10. Kelulusan ini [Permohonan Menempatkan Guru Pelatih Universiti Pendidikan Sultan Idris di Sekolah bawah Kementerian Pendidikan Malaysia untuk Menjalani Latihan Mengajar, Internship Kaunseling dan Praktikum Kaunseling] hanya untuk tujuan yang dimohon sahaja dan luput selepas tarikh 4 Julai 2025.**
11. Sekiranya pihak YBrS. Prof. Madya Dr. mempunyai sebarang pertanyaan dan ingin mendapatkan maklumat lanjut berhubung perkara ini, pihak YBrS. Prof. Madya Dr. boleh menghubungi Encik Khairul Anwar bin Sharin di talian 03-88849353 atau e-mel khairul.sharin@moe.gov.my.

Segala perhatian pihak YBrS. Prof. Madya. Dr. berhubung perkara ini amat dihargai dan didahului dengan ucapan terima kasih.

Sekian.

"MALAYSIA MADANI"

"BERKHIDMAT UNTUK NEGARA"

Saya yang menjalankan amanah,

(ZAINAL BIN ABAS)

- s.k.
1. Ketua Pengarah Pendidikan Malaysia
Kementerian Pendidikan Malaysia
 2. Pengarah
Bahagian Pengurusan Sekolah Harian
Kementerian Pendidikan Malaysia
 3. Pengarah
Bahagian Pengurusan Sekolah Berasrama Penuh
Kementerian Pendidikan Malaysia
 4. Pengarah
Bahagian Pendidikan dan Latihan Teknikal Vokasional
Kementerian Pendidikan Malaysia
 5. Pengarah
Bahagian Sukan, Kokurikulum dan Kesenian
Kementerian Pendidikan Malaysia
 6. Pengarah
Bahagian Pendidikan Islam
Kementerian Pendidikan Malaysia
 7. Pengarah
Bahagian Pendidikan Khas
Kementerian Pendidikan Malaysia
 8. Pengarah
Bahagian Pendidikan Swasta
Kementerian Pendidikan Malaysia
 9. Pengarah Pendidikan
Semua Jabatan Pendidikan Negeri